

Visoki predstavnik je objavio odgovor međunarodne zajednice u vezi Izvještaja specijalnog revizora o stanju u Elektroprivredi Sarajevo

Vođenje poduzećem Elektroprivrede Sarajevo je bilo "karakterizirano drugorazrednom upravljačkom praksom koja je sprečavala poduzeća u BiH – naročito velika javna poduzeća – da vrše usluge građanima na učinkovit i konkurentan način.

Visoki predstavnik se obratio novinarima zajedno sa ambasadorom SAD, Cliffordom Bandom, zamjenikom šefa Misije OSCE u BiH, Henryem Zipper de Fabianiem, šefom operativnog odjela Evropske komisije Arthurom Runge-Metzgerom, direktorom Svjetske banke u BiH Jo Ingramom, te prvim zamjenikom visokog predstavnika Donaldom Haysom.

Ambasador Hays je izložio glavni nalaz iz izvještaja specijalnog revizora o stanju u Elektroprivredi Sarajevo. Dok postoje očigledne neučinkovitosti u načinu kako se rukovalo poduzećem, ambasador Hays je spomenuo da se gubici distribucije kontroliraju i trenutno se kreću unutar međunarodnih normi. "Također, rukovodstvo je unaprijedilo način prikupljanja novca od potrošača tako da je ovo poduzeće značajno bolje od druge dvije Elektroprivrede u BiH" dodao je Hays. Ambasador Hays je zaključio da je sadašnje rukovodstvo Elektroprivrede Sarajevo "značajno popravilo situaciju u posljednjih 18 mjeseci."

U Izvještaju specijalnog revizora je između ostalog otkriveno:

- Prihod Elektroprivrede Sarajevo bi porastao za najmanje 50 miliona KM svake godine ako bi se razriješile

povremene neučinkovitosti.

- Upitna je upotrebljivost nove zgrade, koja je sjedište ovog poduzeća u Sarajevu, a čija je obnova koštala 15 miliona KM, a bit će potrebno dodatnih 12 ili 15 miliona KM kako bi se ona okončala.
- Napori Elektroprivrede, pod nadzorom bivšeg generalnog direktora Edhema Bičakčića, da osnuje ili kupi poduzeća u kojima bi se zaposlili radnici koji bi mogli ostati bez posla tokom restrukturiranja nije utemeljeno po razumnoj komercijalnoj praksi.
- Još jedan bivši generalni direktor Meho Obradović, optužen je za financiranje FK Sarajeva kroz pozajmnice u vrijednosti od oko 1 milion KM u 2000. godini, te korištenje nezakonitog stambenog kredita koji mu je dodijelila Elektroprivreda Sarajevo.

“Policija sada mora pokrenuti istražni postupak o najozbiljnijim slučajevima malverzacija, dok Upravni odbor Elektroprivrede u saradnji sa federalnom vladom, mora suzbiti nepravilnosti u samom poduzeću, tako da bi ono počelo služiti građanima punim potencijalom”, rekao je visoki predstavnik.

Visoki predstavnik je rekao da je donio odluku kojom se Edhemu Bičakčiću zabranjuje obavljanje svake javne funkcije, zaposlenje ili savjetodavna uloga u bilo kojem javnom poduzeću. On je također objavio da je poslao pismo premijeru Hadžipašiću i ministru finansija Vrankiću u kojem ih je zamolio da daju instrukcije Odboru i generalnom direktoru Elektroprivrede Sarajevo Enveru Kresi da u roku od 90 dana pošalju izvještaj federalnoj vladi do kojeg su stupnja provedene korektivne mjere. Ove mjere trebaju uključiti slijedeće:

- Uvođenje prakse raspisivanja tendera za sve nabavke;
- Provedbu stroge kontrole nad prodajom električne energije;

- Reviziju svih prodajnih ugovora za proizvodnju viška električne energije da bi se odredilo da li su ovi ugovori dodijeljeni na odgovarajući način, kako je određen cjenovnik i ustanovilo da li se trebaju poduzeti aktivnosti koje se trebaju izvršiti na osnovu tih nalaza;

- Provođenje mjera koje bi osigurale vjerodostojnije nadgledanje brojila i

- Raspuštanje osoblja osiguranja EP Sarajevo koje je trenutno zaposleno na lokaciji HE Mostar, a koja je u vlasništvu Elektroprivrede Mostar.

Visoki predstavnik je rekao da je također pozvao federalnu vladu da

- Zamrzne i izvrši reviziju politike diversifikacije sa aspekta ekonomskih posljedica kupovine u skladu sa ovom praksom.

- Zahtijeva od Upravnog odbora i generalnog direktora za izrade poslovni plan sa svim aspektima ulaganja i potrebnog osoblja, koji bi potom odobrilo Ministarstvo i koji bi bio javno predstavljen.

- Osnuje radnu grupu sačinjenu od svih relevantnih predstavnika organa za sprovođenje zakona koja bi koordinirano istražila potencijalne malverzacije i kriminalne aktivnosti. (Istraga u toku, pojedinci za koje se čini da su umiješani u pogrešno rukovođenje i/ili kriminalne aktivnosti, trebali bi biti suspendirani).

“Ovim izvještajem, završava se izvještaj specijalnog revizora o Elektroprivredama u BiH,” rekao je visoki predstavnik. “Zajednička nit, koja se provlači kroz ove izvještaje je skandalozna lakoća kojom su interesi građana podređeni interesima malog kluba moćnika – to je bio način na koji se radilo u ovoj zemlji. To nije moderni europski način. Ako će se BiH integrirati u europske ekonomske strukture, potrebna nam je temeljna promjena kulture poslovanja – i ja vjerujem da

će se ovi izvještaji početi mijenjati.”